

pedunculi erecti, uniflori, nudi, basi folio ovato-lanceolato integro bracteaeformi suffulti; flores majores quam *Crepidis vesicariae*, pallide flavi; calyces tomentosi, fructiferi angulati, squamis exterioribus quatuor ovatis acutis scariosis patentibus interioribus linearibus margine membranaceis duplo brevioribus; pappus niveus, stipitatus; semina sulcata, muricata.

Affinis *B. vesicariae* (*Crepis* Lin.), sed differt: 1) hispiditate glandulosa; 2) foliis runcinato-lyratis, laciniis lunato-reflexis; 3) pedunculis ebracteatis; 4) floribus majoribus; 5) squamis calycinis exterioribus quaternis.

130. **BARKHAUSIA** nuda.

B. foliis runcinatis glabris, scapis adscendentibus aphyllis glabris multifloris, pedunculis quadrangulis calycibusque hispidis, squamis calycinis exterioribus adpressis.

Hieracium minus dentis Leonis folio obtuso caule procumbente exili multifido intricato, flore parvo.
Bonan. t. 154.

Hab. in pascuis montosis Messinae. ☉. fl. Jun. Jul.

Planta tenera, vix pedalis; radix annua, ramosa, fuscescens: folia radicalia runcinata, acuta, glabra; scapi adscendentes, ramosi, aphylli, si folia linearia integerrima ad singulum ramulum

exorientia folia vocare non velis, paniculati, multiflori, striati, subangulati, glabri; pedunculi uniflori, quadranguli, bracteolati, hispidi; flores parvi Barkhausiae leontodontoidis (Crepis All.) duplo minores, flavi; calyces hispidi, squamis calyculi cartilagineis adpressis calyce duplo brevioribus; pappus breviter stipitatus, niveus; semina sulcata glabra.

Habitus praesertim foliorum Barkhausiae leontodontoidis, sed differt: 1) pedunculis quadrangulis calycibusque hispidis; 2) floribus duplo minoribus; 3) pappo brevissime stipitato; 4) teneritate omnium partium.

ANDRYALA.

131. ANDRYALA undulata.

A. foliis oblongis sinuato-dentatis, undulato-crispis cauleque mollissime tomentosis, floribus corymbosis aggregatis, pedunculis multifloris calyceque piloso-glandulosis.

Hieracium marinum tomentosum incanum Cichorii folio inflexo lactescens, flore candido medio citrino. Bonan. t. 126.

Hab. in arvis arenosis sterilibus prope Panormum Siciliae. ☉. fl. Maj. Jun.

Herba lactescens undique mollissime tomentosa, tomento facile secedente. Radix annua, fuscescens,